

2 JUAN

Juana botta'a' o'manigmadoya'uyate.

Buttida hua'a oknopopepo huayahuaya di' mon'maika'.

¹Do Juan huaknopope'eritaj huamanmadika'eri ijjepo on'nigmadoya'ne. Huidpo Cristoen huaktie'ea'eritaj o'nigmadoya'ne. O'nen huasi'po huaknopope'eritaj ijmanigmadoyay. Buttida hua'a yoknopopepo daka' di' on'maene. Aya' buttida hua'a huaknopope'eria di'erea mo'ene. ²Kena'po Jesucristoen buttida hua'a oro'omeyen huanopoya' oknopoiika'ne. Buttida hua'a oknopounhuahuika'po di' o'nene. ³Jesucristo Huairi Diosen Huasi'po o'epo Apag Diosere oro'taj daka' kamatinoike'. Oro'taj kamatinepahuie'po kenpa'ti kanopo'noeye'. Diosa kenda mo'nigkikapone buttida hua'a oknopopepo huayahuaya di' mon'maika'.

⁴Huakka'mon huaknopope'eri huasi'potaj ijbatiahuaypo Apag Diosen buttida hua'a daka' on'nigpeika'po ogkika'nok ijdurugpakmey. ⁵Oy ijjeretpakpo o'nona'ne, huayahuaya di' yan'maika'. A'ennada kenda Diosa o'mana'uyate. Onte'ti do'huakon o'nona'ne. ⁶Diostaj di' o'epo ke'nen hua'a o'nigpeepo o'kika'ne. Huayahuaya di' yan'maika'. Ken Diosen hua'a a'ennada o'pee'uyne.

⁷Huakka'da da huamanmadika'eri aratbutere o'nika'. Oro'tehuapa' Diosya' Jesús tiakhue' o'uyate. Jesús hueretda huabokerek ehue' o'uyate. Nama'da on'manmadikika'. Jesucristotaj pakhue' o'ne. ⁸Diosen 'uruda bo'kika'depo Diosya' huadakuapa a'baeya'po da huamanmadika'eritaj peehue' yanika'. Kenomeytaj peehue' mo'ika'po huadakuapa mo'bae'apone.

⁹Cristoen e'manmadika'taj aya'ada e'peeunhua'de'ada on'batikpo Diostaj oknopohue' o'ne. Cristoen e'manmadika'taj aya'ada on'nigpeeonhuahuika'po Apag Diostaj Diosen Huasi'poeretaj daka' o'oknopoiika'. ¹⁰Cristoen hueretda e'manmadika' manmadikahue' e'ika'nayo o'nen jakyo en'tiaknayo o'nen jakyo bakudahue' yan'maika'. "Bo'tiak," manahue' yanika'. ¹¹"Bo'tiak," opudá e'mana'nayo nama'da huamanmadika'eriere dakhuea' bokika'apone.

Juana kene'huaya' hua'a o'nigmadoya'uyate.

¹²Huakka'da e'nona'ta' ijpaknig'a oy beroba'te nigmadoyahue'dik o'nene. A'ti opudte e'huata' ijpaki. Oro'omey huakka' a'durugpakya'po opudtaj e'ta'huadeta' ijpaki. ¹³O'nen huama'bueyen huasi'po huabaktie'ea'eria saludos mo'nigta'mona'ne.